

Nanoteknologiaren aplikazioak garun-minbizian

Haritz Gurrutxaga, Laura Saenz del Burgo, Jesús Ciriza, Rosa María Hernández, Gorka Orive, Jose Luis Pedraz

NanoBioCel taldea, Farmazia Teknologia Laborategia (UPV/EHU),
Farmazia Fakultatea, Vitoria-Gasteiz

CIBER-BBN, Bioingeniaritza, Biomaterial
eta Nanomedikuntza Ikerkuntza Biomedikorako Zentroen Sarea, Vitoria-Gasteiz

haritz.g.i@gmail.com

Jasoa: 2014-05-29

Onartua: 2014-08-27

Laburpena: Nanoterapiak aukera berri asko ireki ditu garun minbizien tratamendu eta diagnostikoan. Nanogarraiatzaileen erabilerak, tumore ingurura molekula konplexuen zuzentzea eta sistemikoki administratutako farmakoen iragana muga hematoentzefalikotik zehar baimentzen du. Kapsularatzen badira, farmakoek batez besteko bizitza luzeagoa dute organismoan, eta gainera efektu kaltegarriak jaitsi egiten dira. Nanogarraiatzaile hauen erabilgarritasuna dela eta, tumoreen aurka zuzendutako askapensistemak garatu dira, eta horrela terapia genikoan, antiangiogenikoan eta termoterapiaren erabiltzen hasi dira. Lan honetan, nanoteknologiaren azken ikerketak, aplikazioak eta erronkak garun minbizian azalduko ditugu.

Hitz gakoak: Biomaterialak, farmakoen liberazio sistemak, liberazio zuzendua, minbizien aurkako terapia, terapia magnetikoa, onkologia.

Abstract: The nanotherapy has opened new pathways in the treatment and diagnosis of brain cancer. The different uses of nanocarriers allow the targeting of complex molecules to the tumors and the crossing of systematically administered drugs through the blood-brain barrier. Drug encapsulation enhances the half life of the drugs in the organism and decreases its adverse effects. In fact, the functionalization of these nanocarries has developed targeted delivery systems for new therapies such as gene therapy, antiangiogenic therapy and thermotherapy. In this article, we have summarized the new research, applications and challenges of nanotherapy in the management of brain cancer.

Key-words: Biomaterials, drug delivery systems, targeted delivery, cancer therapy, oncology, magnetic teraphy.

1. SARRERA

Minbizia morbilitate eta hilkortasunaren kausa garrantzitsuenetako bat da oraindik munduan zehar. Nerbio-sistema zentraleko (NSZ) minbiziaren artean, %85-90 artean garun-minbiziak dira. Azkeneko urteetan, garun-minbiziaren tratamenduan aurrerapen eta ahalegin handia bideratu da, tratamenduan eraginkortasuna handituz, tumoreen erabateko ezabapena lortzena, batez ere. Adibidez, buruko tumoreen erauzketa egin ondoren, kimioterapia eta erradioterapiaren tratamendu konbinaketek, urtebete baino gehiago lutzatu dute gaixoen batez besteko biziraupena [1].

Hala ere, kimioterapiak bere desabantailak ere baditu. Agente kimioterapikoek ezaugarri farmako-kinetiko ezegokiak dituzte (odol-zirkulaziotik oso azkar kanporatzen dira eta organo osasuntsuetan pilatuta kalteak eragiten dituzte); gainera, gorputz-banaketa murriztua izateagatik, tumoreetan barneratzeko eragozpenak izaten dituzte.

Arlo honetan badu ekarpen bat nanomedikuntzak, hau da, medikuntzako nanoteknologiak. Kimioterapikoek eragiten dituzten arazoak konpondu nahian, medikuntzan nanoteknologia erabiltzen hasi dira bere abantailengatik. Nanogarraitzaileak farmako baten garraioa ahalbideratzen duten materialez osatuta dauden nanosistemak dira; normalean biomaterialak izaten dira material horiek [2,3].

Nanogarraitzaileek tumoreetan farmakoen sarrera handiagotzen dute, farmakoen barrejadura hesi hematoentzefalikotik (HHE) zehar handitu dezakete eta bukatzeko, farmakoaren askapena baimendu dezakete. Abantaila hauengatik, buruko minbiziaren tratamenduan, nanogarraitzaileen erabilera lantzen hasi dira.

Nanogarraitzaileak, garunean zuzenean eman daitezke administrazio lokal baten bidez, eta horrela efektua nahi den lekuaren lortzen da. Beste aukera bat da nanogarraitzaile zuzenduen administrazio sistemikoa, ikertzaileentzat erronka bilakatu dena. Nanopartikula hauek HHEa zeharkatzeko gai dira eta era berean minbizi-zeluletan espezifikoki efektua luzaro eragiteko gai dira; horrela, erantzun klinikoa asko hobetzen da [4-5].

Lan honetan, garun-minbiziaren tratamenduan HHEak eragiten dituen eragozpenak eta nanoteknologiak farmakoen administrazio lokalean edo administrazio sistemikoa dituen aplikazioak azalduko dira.

2. NANOTEKNOLOGIAN OINARRITUTAKO MEDIKAMENTUEN GARRAIO SISTEMAK

Sistema asko erabili dira nanogarraitzaile bezala, farmakoaren degradazioa eta efektu terapeutikoaren galera eragoztea helburu harturik. Hauen

artean, aurki ditzakegu nanopartikula polimeriko (10-1000 nm) eta lipidikoak, liposomak (50-300 nm), niosomak, mizelak (20-200 nm) eta dendrimeroak.

Nanopartikula polimerikoen arteen (1A irudia), antolaketa moduaren arabera nanokapsula eta nanoesferak bereiz daitezke. Lehenengoak nukleo urtsu edo oliotsu batez osaturik daude eta polimero sintetiko edo natural batez inguraturik; bigarren motakoak matrize polimeriko batez osatuta daude. Abantaila nabarmenak dira farmakoaren babes eta askapen jarraitua egiteko duen aukera. Askapena egun batzuetatik hilabete batzuetara doi daiteke.

Nanopartikula lipidikoek (1B irudia), aurrekoek baino toxikotasun txikiagoa dute eta hiru mota bereiz daitezke nagusiki haien arteen: nanopartikula lipido solidoak (SLN, *solid lipid based nanocarriers*), nanokapsula lipidikoak (LNC, *lipid nanocapsules*) eta nanoestrukturatutako garraiatzaile lipidikoak (NLC, *nanostructured lipid carriers*).


SLNek tentsioaktiboz egonkortutako matrize lipidiko solido bat dute, LNCak tentsioaktibo lipofilo eta hidrofiloz ingurututako nukleo lipidiko batez osaturik daude eta NLCek ak amaitze, lipido solido eta likidoz osatutako matrize amorfo dat dute.

Liposomak (1C irudia), bi geruza fosfolipidikoz osaturik dauden sistema besikularak dira eta toxikotasun gabeko sistema bezala definitu dira, biodegradagarri eta biobateragarri diren lipidoen sistema bezala. Nukleo urtsu batez osaturik daude, molekula hidrofilikoak kapsularatzeko egokia dena. Era berean, beren geruza lipidikoari esker baimentzen dute molekula lipofilikoak kapsularatzea. Hala ere, egonkortasun arazoak dituzte eta askotan ez da lortzen farmakoaren askapen iraunkorrik.

Niosomak (1C irudia), tentsioaktibo ezionikoz osatutako sistema bika pa besikularak dira eta egituraren aldetik, liposomen antzerakoak dira. Bainan egonkortasun handiagoa dute eta beraien ekoizpena merkeagoa da, liposomen ordezko aukera ona izanik. Aipagarria da farmako hidrofilo eta lipofiloko batera barneratzeko duten gaitasuna [6].

Mizelak (1D irudia) soluzio urtsuetan kopolimero anfifilikoen automuntaketaz osaturiko nanoegitura esferikoak dira. Bere nukleoak polimero hidrofobikoz osaturik dago eta kanpoko mintza polimero hidrofilikoz osatua da.

Azkenik, dendrimeroak ditugu (1E irudia). Hauetan, polimeroz osaturiko nukleoak dute, talde funtzional edo ligando desberdinez osaturik daude eta kanporantz bideratutako nukleoko adarkadura polimerikoak dituzte. Hauen gainazaleko egitura kimikoengatik, beste nanopartikulen gainazalekin eraldatzeko aukera asko dituzte eta dendrimero/nanopartikula hibridoak osatzeko. Bera da erabilera gehien izan dezakeen nanogarraiatzalea.



Iturria: Taula hau [48] artikulutik errepiduzitu da ELSEVIER editorialaren baimenarekin.

1. irudia. Nanogarraiataile motak. (A) Nanopartikula polimerikoak; (B) Nanopartikula lipidikoak; (C)Sistema besikularrak: Liposomak eta Niosomak; (D) Mizelak; (E) Dendrimeroak.

3. NANOTERAPIA BIDEZKO GARUN-MINBIZIAREN TRATAMENDU LOKALA

Garun-minbizia duten gaixoen pronostiko klinikoa txarra da, baina tumore onbera edo gaitztoa den, garunaren zein zonaldetan dagoen, diagnostikoaren unea, tumore motaren eta beste faktore askoren arabera aldatu daiteke. Adibidez, Glioblastoma Multiformea, oso minbizi gaitztoa da eta diagnostikatu ondorengo gaixoen batez besteko bizi-iraupena 12 hilabete-ko da, baina gaixoen 3-5% hiru urte baino gehiago bizitzen dira [7].

Pronostikoa hobetzeko, ikerkuntzan ahalegin handia egiten ari dira tratamendu lokalaren arloan. Tratamendu honen bidez, handitu egin nahi dute tumorean osagai aktiboak duen kontzentrazioa eta jaitsi egin nahi dituzte eragin kaltegarri sistemikoak. Hau lortzeko hainbat administrazio-sistema inbasibo daude: bentrikulu barnekoak, parenkima edo teka barnekoak, presio positiboko injekzio jarraituak bezala ezagutuak (CED, *convective-enhanced delivery*) eta inplante lokaleko sistemak. Administrazio-sistema hauek guztiak, helburu nagusi modura hartu dute terapiarako konposatu enbiorabilgaritasuna asko hobetzea.

3.1. Buru barneko injekzio zuzenen aplikazioak

Garun-tumorearen erauzketa egin ondorengo farmakoen buru barneko injekzioak ez du arrakasta handirik lortzen, farmako askoren difusio konsstantea mugatua dela eta [8]. Eragozpen hau gainditzeko, nanoteknologiak eskaintzen dituen estrategia batzuk erabili izan dira, ferrozenil difenol konposatua duten nanokapsula lipidikoen kasua adibide. Mesenkimalako zelula amek (*MSC, mesenchymal stem cells*) minbizi-zeluletarra migratzeko gaitasuna dute eta glioma moduko animali ereduetan, ferrozenil difenol konposatua duten nanokapsula lipidikoak zeluletan barneratuta implantatu dira.

Nanokapsulak askatzen dituzten MSCak administratuta tumorearen bolumena era nabarmenean txikitu da [9].

Nanopartikula magnetikoen beste erabilera bat da nanogarriatzailak tumoreetara zuzentzea. Cheon J.-ren taldeak garatu berri duen tratamenduan nanopartikula magnetikoen erabileraren bitartez erradiazio elektromagnetikoa bero bihurtzen dute, eta horrela zelula gaitzaok suntsitu eginen dituzte. Tumorean nanopartikulen injekcio zuzenak egin eta gero eremu elektromagnetikoaren ezartzeak, minbizi-zelulen suntsiketa selektiboa eragiten du [10].

3.2. Buru barneko infusioaren aplikazioak

Teknika honetan, farmakoa presiopean ponpatzen da, buruan egindako trepanazio bat egin ondoren [11-14]. Teknika hau liposomak, mizelak, nanopartikulak edo dendrimeroak bezalako nanogarriatzaillekin erabil daitete [3]. Tamaina, gainazaleko karga eta estaldura dira teknikan eragin dezaketen nanogarriatzailen parametro kritikoenak.

Liposomak CED teknikarekin administratzen direnean, tumoreetako eta ondoko ehunetako minbizi-zeluletan modu zabalago eta homogeneagoan banatzen dira [15]. Adibidez, topotekan garriatzenten duten liposomak administratuz, farmakoaren erdibitzitzat 15 aldiz luzatzen da, eta horrela minbiziaren hazkuntza galarazi eta batzuetan ezabatu egiten da [16]. Gainera, hainbat formulaziotako liposomak batera administra daitezke, ekintza mekanismo desberdinak bateratuz eta efikazia antineoplasikoa hobetuz.

Frozenil difenola duten nanokapsula lipidikoen administrazioak, emaitza itxaropentsuak lortu ditu CED teknikarekin eta erradioterapiaren kombinaketekin, *in vivo* entseguetan. Kasu honetan, erradiaziopean geratzen den frozenil konposatuaren sentsibilizazioak, *in vivoan* efektu sinergikoa erakutsi du. Efektu honen mekanismoa hau izango litzake: erradiazioak ura hidrolizatu eta erradikal libreak sortuz, oxigenoaren (O_2) presentzian hidrogeno peroxidoa (H_2O_2) ematen du. Hau molekula oso oxidatzilea da eta elektroi-transferentzia fenomenoaren ondorioz ferrozenoa ferrozeniumera oxida dezake; honek beste prozesu batzuen ondorioz metido kinona ematen du. Kinona oso zitotoxikoa den alkilatzilea da eta glutation (GSH), proteina eta DNAarekin erreakzionatuta, zelulen heriotza eragiten du [17].

Tratamendu lokal hauek aplikatzeko, gaixoa ospitaleratu egin behar da. Izan ere, hainbat sistemaren edo kateter baten ezarpenak anestesiaren beharra du eta esperientzia handiko profesionalen begiradapean egin behar da [18,19]. Gainera, tratamendu hauek arrisku nabariak dituzte: neurotoxitatea lokala, buru-edema, infekzioak, likido zerebroespinalaren galera eta minbizi ondoko kisteen sorrera eragin dezakete [20,21].

4. HESI HEMATOENTZEFALIKOA ZEHARKATZEKO ERRONKA

HHEa erdiragazkorra eta selektiboa da; odoletik Nerbio Sistema Zen-tralera (NSZ) molekula biologiko [22] eta substantzia askoren igarotzea ahalbidetzen du eta bestalde, NSZa eragile infekzioso eta toxikoetatik babesten du.

Hesi fisiko bat baino gehiago da. Odol-hodi hauetako endotelio-zelulak, entzima eta garraiatzaile espezifikoz osaturik daude (P-glikoproteina, minbizi-zelulen mintzetan agertzen den garraiatzailea da eta farmakoen sarrera eragozten du, zelulei erresistentzia emanet), eta NSZean farmakoen sarrera asko mugatzen dute [23-24]. Nanomedikuntzan, nano eskalako sistema desberdinak ikertzen ari dira, hesi honen zeharreko molekula terapeutikoien garraioa handitu nahian. [25,26].

Nanoteknologiak garun-minbizien tratamendu lokalak hobetuz, farmakoen erdibizitza handitu dezake, farmakoen askapen jarraitua eraginez edo garraio sistema bezala jokatuz.

Bestalde sistemikoki administratutako sistema nanoteknologikoak, minbizi-zeluletara, minbizi inguruko odol-hodietara edo HHE zuen-tzeko eraldatuak gerta daitezke eta honela minbizi-zeluletara iristen den farmako kantitatea handitu egiten da [2]. Adibideak, D-glukosaminaz eraldatutako dendrimeroak edo gainazalean transferrina duten poli-amido-aminazko (PAMAM) dendrimeroak izango lirateke. Lehenengoak metotrexatoa garraiatzen du eta honen kontzentrazio buru mailan hiru aldiz (3x) handitzeko gai izan da [27]. Bigarrenak ordea, doxorubizina garraiatzen du, HHE zeharkatzeko gai da eta minbizi-zeluletara iristen da [28].


Azken batean, tratamendu hauen helburua dosiak handitu gabe tumorearen inguruau farmakoen kontzentrazioa handitzea da, eta horrela eragin desiragaitzak murritzten dira.

5. GARUN-MINBIZIAREN TRATAMENDUA SISTEMIKOKI ADMINISTRITATUKO NANOTEKNOLOGIA BIDEZ

Minbizian erabiltzen diren kimioterapiko askok, baita glioman erabi-litakoak ere, DNA zelularrean kalteak eragiten dituzte, minbizi eta zelula osasuntsuen artean bereizketarik egin gabe; horrela, eragin desiragaitz asko (beherakoak, okadak, ile erorketa, anemia, gaixotasun kardiakoak...) ger-tatzen dira. Aurretik esan bezala, farmako hauek garunera iristeko zailtasunak dituzte eta tumoreak erresistentzia garatzen dutenean efikazia galtzen dute. Honengatik sistemikoki nanogarraiatzaileak administratzeko bere ga-rrantzia eta erabilera izan dezake, farmakoak degradazioitik eta efikazia gal-tzetzik babesten dituztelako.

Testuinguru honetan, nanogarraitzaileen aukeraketa oso garrantzitsua da. Ezaugarri batzuen arabera egin beharko da, beti ere nanogarraitzaileak biobateragarriak (biodegradagarriak edo ez) izanik. Oso kontuan hartzeko ezaugarriak dira farmakoak era eraginkorrean barneratzea eta modu egonkorrean askatzea.

Nanogarraitzaileak sistemikoki administratzen direnean ehun neoplasikoetara iristeko bi efektuetan oinarritu daiteke: **itu pasiboa eta itu aktiboa**. Alde batetik nanogarraitzaile asko, konposatu terapeutikoen kontzentrazioa handitzeko tumoreetan, **handitutako erretentzio eta iragazkortasun efektuan** (*enhanced permeability and retention effect (EPR)*) oinarritzen dira [29,30]. Efektu hau **itu pasibo** bezala ezagutzen da eta ehun osasuntsuetan pilatu ordez minbizi-ehunetan pilatzen diren tamaina ezberdinako makromolekula batzuen bereizgarria den ezaugarria da. Minbiziko odol-hodien anormaltasunengatik gertatzen da. Minbizi-ehunak gainbaskularizatuak daude, odol-hodiekin egitura arraoak osatzen dituzte, normalean baino fenestratuagoak (odol-hodien endotelio-zelulak kohesio txikiagoa dute) daude eta gainera drainatze linfatikoa falta da. Honek guztiek, makromolekulen iragazkortasuna odol-hodien zehar handitu eta hauen eliminazioa gutxitzen du. Garun minbizietaan handituta dago konposatuen barrejadura HHEan zehar. (**2. irudia**)



2. irudia. Handitutako erretentzio eta iragazkortasun efektuaren irudikapen esematikoa.

EPR efektuan oinarrituz, polietilenglikol (PEG) edo PEG-poliamino konjugatu azidoekin estalitako estruktura hibridoa duten nanokapsula lipidikoak (nanokapsula polimerikoen eta liposomen artekoak) garatu izan dira, eta horrela erdibitzta biologikoa gorputzean luzatzea lortu da. Hala ere klinikian EPR sistema hauen erabilera laburra izan da, gaixoen batez besteko biziraupena handitu ez delako [31,32].

Bestalde, zuzendutako nanogarraiataile-formulazioak, **itu aktibo** deiturikoak, garun-minbizien tratamenduan eraginkortasun handiagoko aukera berriak eskaintzen dituzte. Funtzionalizazioa deituriko prozesuan, farmakoz kargaturik dauden nanogarraitzaileen gainazala, konposatu desberdinekin (antigorputz, peptido... desberdinak izan daitezkeenak) inguratzen da [33]. Gainazalean kokatutako molekulak, helburu terapeutikoko lekuan, egitura desberdinak ezagutzeko gai dira (minbizi-zelulak gainadierazita dituzten egiturak adibide). Honek abantaila teorikoak ditu: batetik, tumore inguruan nanogarraiataileak pilatu eta farmakoen bioerabilgarritasuna handitzea (HHE zeharkatzen duen eta minbizi zelulara heltzen den farmako kantitatea handitzea); bestetik, beste organo eta ehunetan farmakoen pilaketa galaztea; eta aurrekoen ondorioz efektu desiragaitzak gutxitzea.

Garun minbizi-zelulen gainazalean dauden egitura desberdinak ezagutzen gai diren nanosistemen garapenean, ikerkuntza-talde asko lanean ari dira. Adibidez, EGFR (*epidermiseko hazkuntza faktorearen hartzaila*) gainadierazita duten tumoreetan, nanogarraitzaile zuzenduekin tratamendua klinikoa ebaluatzen ari dira. Nanogarraiataileak, EGα1 fragmentuarekin eraldatuak izan diren mizela polimerikoak dira eta doxorubizinaz kargatuta daude. Hauek funtzionalizatu gabeko mizela polimerikoekin konparatz, tumorearen hazkuntzaren inhibizio handiagoa erakutsi dute eta *in vivo* entseguetan erabilitako animalien batez besteko biziraupena luzatu dute. Efektu hau, endososoma eta lisosometan gertatzen den farmako-pilaketa handiago batekin uztartu da [34,35].

Beste adibide bat da GFAP (*proteina gliofibrilar azidoa*) eta 43. koneksina ezagutzen duen antigorputz monoklonalak dituzten liposomena. Nanosistema honek, konposatu terapeutiko edo diagnostikoa tumore inguruko alde peritumoralera garraiatzen du, eta garezur barneko glioman efektu terapeutikoak azaldu ditu [36].

Odol-hodietara zuzendutako nanopartikula funtzionalizatuak ere garatu dira. Adibidez, garun-endotelioan gainespresatua dagoen nikotina azetilikolina hartzaileari (nACh) afinitate handiz lotzen den peptidoarekin (CDX). Era berean, garun-minbizia duten saguekin egindako *in vivo* entseguetan, paklitaxelez kargaturiko CDX-PEG-PLA(azido poli laktido) mizelak erabili dira eta saguen biziraupena nabarmen handitu dira [37].

Bestalde, gaitasun bikoitza duten nanogarraiataileak ere baditugu. Nanogarraitzaile hauek minbizi-zeluletan eta inguruko odol hodietan espre-

satuta dauden proteinak ezagutzeko gai dira, eta horregatik ikerlariek geroz eta interes handiagoa dute era honetako sistemetan.

Zuzendutako nanogarriatzailak erabiltzeko, glioma-zeluletan eta buruko baskulaturan dauden integrina hartzailak diana interesgarri dira. Arginina-glizina-azido aspartiko-D-tirosina-lisina ziklikoa c(RGDyK), integrinarekin lotzen den (ligando) peptido esenzial bat da [38-40]. Horregatik peptido hau, glioblastoma intrakranealean bi helbururekin erabili da: batetik, polietilenimida (PEI) bektore ez-biralekin garriatutako geneen askapena handitzeko; eta bestetik, paklitaxelez kargatutako PEG -azido polilaktikozko mizelen eraginkortasuna handitzeko [41]. Baita, RGD-PEIren koadministrazioak nekrosi faktoreari lotutako apoptosisa induzitzen duen ligandoa (TRAIL) edukita eta paklitaxelez kargatua dauden CDX mizelekin egin da. Koadministratio honek TRAIL genearen transfekzioaren eta paklitaxelaren tumore inhibizioaren efikazia handitu du, eta garun-tumorea duten animali ereduetan biziraupena luzatu da horrela.

Beste estrategia bat da **estrategia bikoitza** edo **kaskada garraioa** bezala ezagutzen dena. Kasu honetan, nanogarriatzailak HHEan eta tumorean, bietan, gainespresatzen den proteina bat ezagutzeo diseinatzen dira.

Transferrinaren (Tf) hartzaila HHEan eta minbizi-zeluletan gainespresa dago. Ondorioz, nanogarriatzailleei Tf-ren ligandoa txertatuta transzitosia hobetzen da eta garuneko tumoreen tratamendu eraginkorragoa lortu daiteke. Horren adibide bat dira plaklitaxelez kargaturiko mizelak. Mizelak poli(ϵ -kaprolaktonaz)(PCL-z) polimerizatuak eta Tf-poli (etiletileno fosfatoz) (PEEP-z) eraldatuak izan ondoren, tumorearen tamaina murriketa esanguratsuak ikusi dira eta ondorioz saguen biziraupena luzatu da. Efektu hau, alde batetik gutxienez, mizela eraldatuen garun-barneratzearen handiagotzearengatik dela uste da [42].

Beste aukera bat da Tf-arekin eraldatuak izan diren nanogarriatzailleen eta manosa analogoen konbinaketa. Hor, manosak GLUT-1 (glukosa garriatzaille 1) garriatzaillekin duen elkarrekintzaren ondorio bezala, nanogarriatzailleen askapena HHEa zehar handitu zuen [43] (**1. Taula**).

Azkenik, terapia magnetikoaren erabilera da beste estrategia bat. Terapia honetan, Fe_3O_4 -z osatutako nukleo duten eta gainazal polimeriko hidrofiloa duten sistemek, kanpotik ezarritako eremu magnetiko bat erabilita, kimioterapikoak tumoretarantz zuzentzea ahalbidetzen dute [44]. Hau lortzeko sistema konplexuak diseinatu dira.

Alde batetik, epidoxorubizina PLGA (*azido poli(lactiko-ko-glikoliko)*) magnetikoz osatutako nukleo batean kapsularatu da; kapsula kanpotik ezarritako eremu magnetiko bati erantzuteko gai da. Geneen askapen sistema bezala, nukleo magnetikoaren gainetik RGD edo PEG molekula desber-

dinez funtzionalizatua dagoen gainazal lipidiko polimerikoa diseinatu da. Sistema honek nanogarraiatazaleen erdibizitza eta minbizi-zelulekiko afinitatea handitu du [45].

Nanosistema hauek guztiak, tumoreetan gehiago pilatzen direnez, erresonantzia magnetikoaren bidez detekta daitezke. Honen ondorioz, diagnos-tiko sistema bezala erabiltzen hasi dira [46].

Nanogarraiatazalea	Ligandoa	Diana	Farmakoa	Bibliografia
Minbizi zelulak diana				
Mizela polimerikoak	EGα1 nanogorputzak	EGF hartzaleak	Doxurobizina	35
Liposomak	Antigorputzak	GFAP + konexina 43	Fluoreszentea (Dil C18) eta paramagnetikoa den kontraste-molekula	36
Oadol hodiak diana				
Mizelak	CDX peptidoa	Nikotina azetilkolina hartzaleak	Paklitaxel	37
Tumore-baskulturara zuzenketa duala				
PLA mizelak	cRGDyK peptidoa	Integrina hartzaleak	Paklitaxel	41
PLA mizelak + PEI nanopartikula ez biralak	CDX + RGD peptidoak	nACh + integrina hartzaleak	Paklitaxel + TRAIL genea	38
(HHE + minbizi zelula) Zuzenketa duala				
PEEP-PCL mizelak	Transferrina (Tf)	Transferrinaren hartzaleak (Tfr)	Paklitaxel	42
DSPE liposomak	Manosa + transferrina (Tf)	GLUT1 + transferrina hartzaleak (Tfr)	Daunorubizina	43

6. ONDORIOAK ETA ETORKIZUNERAKO IKUSPEGIA

Kimioterapikoek garunera iristeko eta beharrezko kontzentrazioak lortzeko eragoppen asko dituzte. Sistemikoki administraturiko farmakoak imunitate-sistemaren zelulek harrapatzen dituzte eta HHE zeharkatzeko

eragozpen handiak izaten dituzte gainera. Nanoteknologiak, nanosistemen garapenaren ondorioz, arazo hauek konpontzeko aukera ematen du. Kimioterapikoen bioerabilgarritasuna hobetzen du, eren eta nanogarraiatzaleetan kapsularatu ondoren, tumoreetara iristen den farmako kantitatea eta hauen erdibitzitzan handitzen baitu.

Hala ere, ikertzeko asko dago oraindik. Nanosistemen zelula-mintz arteko garraio-mekanismoak eta tratamenduen segurtasuna, epe luzera begira, ez daude ondo aztertuak. Gorputzean funtzionalizatutako nanogarraiatzaileen inguruan adsorbitzen diren biomolekulek biokorona izeneko egitura bat osatzen dute. Hau ikertu beharko litzake, adsorbitzen diren biomolekulek, nanogarraiatzaileen hartzaile espezifikoekiko afinitatea alda dezakete-lako, ondorioz bioerabilgarritasuna aldatuz eta terapiaren eraginkortasuna gutxitu daitekeelako [47].

Horregatik, nanogarraiatzaileak, garun-minbiziaren tratamenduan, garapenean dagoen alternatiba itxaropentsu bat da, baina terapia klinikoan normaltzat hartzeko, oraindik arlo asko garatu eta aztertu behar dira.

7. BIBLIOGRAFIA

- [1] CLARKE J, BUTOWSKI N eta CHANG S. 2010. «Recent advances in therapy for glioblastoma». *Archives of Neurology* 67, 279-283.
- [2] GOTTESMAN MM. 2002. «Mechanisms of cancer drug resistance». *Annual Review of Medicine* 53, 615-627.
- [3] ALLARD E, PASSIRANI C eta BENOIT JP. 2009. «Convection-enhanced delivery of nanocarriers for the treatment of brain tumors». *Biomaterials* 30, 2302-2018.
- [4] EWEND MG, BREM S, GILBERT M, GOODKIN R, PENAR PL, VARIA M, CUSH S eta CAREY LA. 2007. «Treatment of single brain metastasis with resection, intracavity carmustine polymer wafers, and radiation therapy is safe and provides excellent local control». *Clinical Cancer Research* 13, 3637-3641.
- [5] BARR JG eta GRUNDY PL. 2012. «The effects of the NICE Technology Appraisal 121 (Gliadel and temozolomide) on survival in high-grade glioma». *British Journal of Neurosurgery* 26, 818-822.
- [6] RAJERA R, NAGPAL K, SINGH SK eta MISHRA DN. 2011. «Niosomes: a controlled and novel drug delivery system». *Biological and Pharmaceutical Bulletin* 34, 945-953.
- [7] KREX D, KLINK B, HARTMANN C, VON DEIMLING A, PIETSCH T, SIMON M, SABEL M, STEINBACH JP, HEESE O, REIFENBERGER G, WELLER M eta SCHACKERT G. 2007. «Long-term survival with glioblastoma multiforme». *Brain* 130, 2596-2606.

- [8] HASSENBUSCH SJ, NARDONE EM, LEVIN VA, LEEDS N eta PIETRO-NIGRO D. 2003. «Stereotactic injection of DTI-015 into recurrent malignant gliomas: phase I/II trial». *Neoplasia* 5, 9-16.
- [9] ROGER M, CLAVREUL A, HUYNH NT, PASSIRANI C, SCHILLER P, VESSIERES A, MONTERO-MENEI C eta MENEI P. 2012. «Ferrociphenol lipid nanocapsule delivery by mesenchymal stromal cells in brain tumor therapy». *International Journal of Pharmaceutics* 423, 63-68.
- [10] LEE JH, JANG JT, CHOI JS, MOON SH, NOH SH, KIM JW, KIM IS, PARK KI eta CHEON J. 2011. «Exchange-coupled magnetic nanoparticles for efficient heat induction». *Nature Nanotechnology* 6, 418-422.
- [11] ASTARY GW, KANTOROVICH S, CARNEY PR, MARECI TH eta SARTINORANONT M. 2010. «Regional convection-enhanced delivery of gadolinium-labeled albumin in the rat hippocampus in vivo». *Journal of Neuroscience Methods* 187, 129-137.
- [12] CUNNINGHAM J, PIVIROTTO P, BRINGAS J, SUZUKI B, VIJAY S, SANFTNER L, KITAMURA M, CHAN C eta BANKIEWICZ KS. 2008. «Biodistribution of adeno-associated virus type-2 in nonhuman primates after convection-enhanced delivery to brain». *Molecular Therapy*. 16, 1267-1275.
- [13] LIDAR Z, MARDOR Y, JONAS T, PFEFFER R, FAIBEL M, NASS D, HADANI M eta RAM Z.. 2004. «Convection-enhanced delivery of paclitaxel for the treatment of recurrent malignant glioma: a phase I/II clinical study». *Journal of Neurosurgery* 100, 472-479.
- [14] LASKE DW, YOULE RJ eta OLDFIELD EH. 1997. «Tumor regression with regional distribution of the targeted toxin TF-CRM107 in patients with malignant brain tumors». *Nature Medicine* 3, 1362-1368.
- [15] PARK JW, HONG K, KIRPOTIN DB, MEYER O, PAPAHADJOPOULOS D, eta BENZ CC. 1997.«Anti-HER2 immunoliposomes for targeted therapy of human tumors». *Cancer Letters* 118, 153-160.
- [16] SAITO R, KRAUZE MT, NOBLE CO, DRUMMOND DC, KIRPOTIN DB, BERGER MS, PARK JW, BANKIEWICZ KS. 2006. «Convection-enhanced delivery of Ls-TPT enables an effective, continuous, low-dose chemotherapy against malignant glioma xenograft model». *Neuro-Oncology* 8, 205-214.
- [17] ALLARD E, JARNET D, VESSIERES A, VINCHON-PETIT S, JAOUEN G, BENOIT JP eta PASSIRANI C. 2010. «Local delivery of ferrociphenol lipid nanocapsules followed by external radiotherapy as a synergistic treatment against intracranial 9L glioma xenograft». *Pharmaceutical Research* 27, 56-64.
- [18] SAMPSON JH, ARCHER G, PEDAIN C, WEMBACHER-SCHRODER E, WESTPHAL M, KUNWAR S, VOGELBAUM MA, COAN A, HERNDON JE, RAGHAVAN R, BRADY ML, REARDON DA, FRIEDMAN AH, FRIEDMAN HS, RODRÍGUEZ-PONCE MI, CHANG SM, MITTER-MEYER S, CROTEAU D eta PURI RK. 2010. «Poor drug distribution as a possible explanation for the results of the PRECISE trial». *Journal of Neurosurgery* 113, 301-309.

- [19] ALAM MI, BEG S, SAMAD A, BABOOTA S, KOHLI K, ALI J, AHUJA A eta AKBAR M. 2010. «Strategy for effective brain drug delivery». *European Journal of Pharmaceutical Sciences* 40, 385-403.
- [20] ENGELHARD HH. 2000. «The role of interstitial BCNU chemotherapy in the treatment of malignant glioma». *Surgical Neurology* 53, 458-464.
- [21] WEBER EL eta GOEBEL EA. 2005. «Cerebral edema associated with Glia-del wafers: two case studies». *Neuro-Oncology* 7, 84-89.
- [22] BERNACKI J, DOBROWOLSKA A, NIERWINSKA K eta MALECKI A. 2008. «Physiology and pharmacological role of the blood-brain barrier». *Pharmacological Reports* 60, 600-622.
- [23] SURA P, SURA R, ENAYETALLAH AE eta GRANT DF. 2008. «Distribution and expression of soluble epoxide hydrolase in human brain». *Journal of Histochemistry & Cytochemistry* 56, 551-559.
- [24] PARTRIDGE WM. 2007. «Blood-brain barrier delivery». *Drug Discovery Today* 12, 54-61.
- [25] NICHOLS JW eta BAE YH. 2012. «Odyssey of a cancer nanoparticle: from injection site to site of action». *Nano Today* 7, 606-618.
- [26] FERRARI M. «Cancer nanotechnology: opportunities and challenges». 2005. *Nature Reviews Cancer*. 5, 161-171.
- [27] DHANIKULA RS, ARGAW A, BOUCHARD JF eta HILDGEN P. 2008. «Methotrexate loaded poly-ether-copolyester dendrimers for the treatment of gliomas: enhanced efficacy and intratumoral transport capability». *Molecular Pharmaceutics* 5, 105-116.
- [28] LI Y, HE H, JIA X, LU WL, LOU J eta WEI Y. 2012. «A dual-targeting nanocarrier based on poly(amidoamine) dendrimers conjugated with transferrin and tamoxifen for treating brain gliomas». *Biomaterials* 33, 3899-3908.
- [29] MAEDA H. 2012. «Macromolecular therapeutics in cancer treatment: the EPR effect and beyond». *Journal of Control Release* 164, 138-144.
- [30] GREISH K. 2010. «Enhanced permeability and retention (EPR) effect for anticancer nanomedicine drug ». *Methods in molecular biology* 624, 25-37.
- [31] BASILE L, PASSIRANI C, HUYNH NT, BÉJAUD J, BENOIT JP, PUGLISI G eta PIGNATELLO R. 2012. «Serum-stable, long-circulating paclitaxel-loaded colloidal carriers decorated with a new amphiphilic PEG derivative». *International Journal of Pharmaceutics* 426, 231-238.
- [32] LAMMERS T, KIESSLING F, HENNINK WE eta STORM G. 2012. «Drug targeting to tumors: principles, pitfalls and (pre-) clinical progress». *Journal of Control Release* 161, 175-187.
- [33] LAMMERS T, HENNINK WE eta STORM G. 2008. «Tumour-targeted nanomedicines: principles and practice». *British Journal of Cancer*. 99, 392-397.
- [34] JARACZ S, CHEN J, KUZNETSOVA LV eta OJIMA I. 2005. «Recent advances in tumor-targeting anticancer drug conjugates». *Bioorganic & Medicinal Chemistry* 13, 5043-5054.

- [35] TALELLI M, OLIVEIRA S, RIJCKEN CJ, PIETERS EH, ETRYCH T, ULMERICH K, VAN NOSTRUM RC, STORM G eta HENNINK WE, LAMMERS T. 2013. «Intrinsically active nanobody-modified polymeric micelles for tumor-targeted combination therapy». *Biomaterials* 34, 1255-1260.
- [36] CHEKHONIN VP, BAKLAUSHEV VP, YUSUBALIEVA GM, BELORUSSOVA AE, GULYAEV MV, TSITRIN EB, GRINENKO NF, GURINA OI eta PIROGOV YA. 2012. «Targeted delivery of liposomal nanocontainers to the peritumoral zone of glioma by means of monoclonal antibodies against GFAP and the extracellular loop of Cx43». *Nanomedicine* 8, 63-70.
- [37] ZHAN C, LI B, HU L, WEI X, FENG L, FU W, ET AL. 2011. «Micelle-based brain-targeted drug delivery enabled by a nicotine acetylcholine receptor ligand». *Angewandte Chemie International Edition* 50, 5482-5485.
- [38] ZHAN C, WEI X, QIAN J, FENG L, ZHU J eta LU W. 2012. «Co-delivery of TRAIL gene enhances the anti-glioblastoma effect of paclitaxel in vitro and in vivo». *Journal of Control Release*. 160, 630-636.
- [39] CHEN X, PARK R, SHAHINIAN AH, TOHME M, KHANKALDYYAN V, BOZORGZADEH MH, BADING JR, MOATS R, LAUG WE eta CONTI PS. 2004. «¹⁸F-labeled RGD peptide: initial evaluation for imaging brain tumor angiogenesis». *Nuclear Medicine and Biology* 31, 179-189.
- [40] BELLO L, FRANCOLINI M, MARTHYN P, ZHANG J, CARROLL RS, NIKAS DC, STRASSER JF, VILLANI R, CHERESH DA eta BLACK PM.. 2001. «Alpha(v)beta3 and alpha(v)beta5 integrin expression in glioma periphery». *Neurosurgery* 49, 380-389.
- [41] ZHAN C, GU B, XIE C, LI J, LIU Y eta LU W. 2010. «Cyclic RGD conjugated poly(ethylene glycol)-co-poly(lactic acid) micelle enhances paclitaxel anti-glioblastoma effect». *Journal of Control Release* 143, 136-142.
- [42] ZHANG P, HU L, YIN Q, ZHANG Z, FENG L eta LI Y. 2012. «Transferrin-conjugated polyphosphoester hybrid micelle loading paclitaxel for brain-targeting delivery: synthesis, preparation and in vivo evaluation». *Journal of Control Release* 159, 429-434.
- [43] YING X, WEN H, LU WL, DU J, GUO J, TIAN W, MEN Y, ZHANG Y, LI RJ, YANG TY, SHANG DW, LOU JN, ZHANG LR ETA ZHANG Q. 2010. «Dual-targeting daunorubicin liposomes improve the therapeutic efficacy of brain glioma in animals ». *Journal of Control Release* 141, 183-192.
- [44] CHERTOK B, DAVID AE eta YANG VC. 2011. «Brain tumor targeting of magnetic nanoparticles for potential drug delivery: effect of administration route and magnetic field topography». *Journal of Control Release* 155, 393-399.
- [45] WANG H, SU W, WANG S, WANG X, LIAO Z, KANG C, HAN L, CHANG J, WANG G eta PU P. 2012. «Smart multifunctional core-shell nanospheres with drug and gene co-loaded for enhancing the therapeutic effect in a rat intracranial tumor model». *Nanoscale* 4, 6501-6508.
- [46] WANKHEDE M, BOURAS A, KALUZOVA M eta HADJIPANAYIS CG. 2012. «Magnetic nanoparticles: an emerging technology for malignant brain

- tumor imaging and therapy». *Expert Review Clinical Pharmacology* 5, 173-186
- [47] MONOPOLI MP, ABERG C, SALVATI A eta DAWSON KA. 2012. «Biomolecular coronas provide the biological identity of nanosized materials ». *Nature nanotechnology* 7, 779-789.
- [48] DEL BURGO LS, HERNÁNDEZ RM, ORIVE G eta PEDRAZ JL. 2013. «Nanotherapeutic approaches for brain cancer management». *Nanomedicine* 13, 555-558.

